

31. marts 2014
UPA 2014/16
Anders Olsen

Nunat Avannarliit Killiit Siunnersuisoqatigiiffiata Savalimmiuni, Islandimi Kalaallit
Nunaannilu naalakkersuisunut kaammattuitigaa nunat pineqartut akornanni peqqin-nissaqarfimmi sulisussanik ilinniartitsisarneq pillugu suleqatigeeqqullugit kiisalu qularnaarniaqquillugu nunat pineqartut akornanni peqqinnissaqarfinni sulisut paaraateqatigiittarnissaminut periarfissaqarnissaat. Peqatigitillugu nunat pineqartut kaammattorneqarput tarnikkut nappaatinut tunngasutigut suleqatigiinnerup iner-artorteqqinnejarnissaanut periarfissat misissoqquillugit, napparsimasunik katsors-aasarneq sulisussanillu ilinniartitsisarneq eqqarsaatigalugit.

(Aallartitat siulittaasuat Lars-Emil Johansen)

Siumumiit aallarniutigalugu oqaatigisassarput tassaavoq Nunat Avannarliit Killiit Siunner-suisoqatigiivisa kaammattuutaat uani pineqartoq isumaqatigigatsigu. Nunatsinnimi peqqin-nissaqarfitta iluani suliassat annertuut avataasigut nunat allat peqqinnissaqarfikkut misilit-tagaat ineriartortitaallu nunatsinni atorluarneqarsinnaanerat perarfissarsiuussinnaaneri aamma pingaaruteqarpoq. Taamatuttaaq killormuanik nunatta misilittagai aamma nunanit avannarlernit killernit atorluarneqarsinnaanerat perarfissatsialattut isumaqarfigillutigu.

Nunatsinnilu peqqinnissaqarfiup iluani suliat naammassineqarsinnaasut annertussusaat suli pitsasup tungaanut ingerlagaluartut nunanik allanik suleqateqartuarnissaq avaqqun-neqarsinnaanngilaq. Siumumiillu pissusissamisoortutut isigaarput nunat eqqaamiugut, tas-salu Islandi Savalimmiullu qanitarineri pissutigalugit amerlasuutigullu pissutsit assigiissu-teqarsinnaasut pissutigalugit peqqinnissaqarfitsigut suleqatigiinneq nukitorsarneqartaria-qartutut isumaqarfigaarput.

Nunat Avannarliit Killiit Siunnersuisoqatigiiffatalu uani pineqartumi kaammattuutaa, tassalu nunat pingasut akornanni peqqinnissaqarfiup iluani suleqatigiinnerup sakkortusarneqassa-soq peqqinnissaqarfinni sulisussat ilinniartinneqarnerisigut sulisunillu paarlaseqatigiittar-nerup aqutissiuunneratigut Siumumiit soqutinarluinnartutut isumaqarfigaarput. Siuner-tammi taamaattut perarfissarissaareersutut taaneqarsinnaapput, ilaatigut nunat taakku akornanni angallannikkut attaveqaqatigiinnikkullu perarfissarissaarnerat eqqarsaatigalugu.

Nunani Avannarlerni Killerni peqqinnissaqarfiit akornanni suleqatigiinneq piureersoq matu-muani suli pitsaanerusumik angusaqarfigiumallugu suleqatigeeqqusinerit kaammattuitigi-neqarmat Siumumiit iluarismaarpalput, neriuullatalu nunani pingasuni tamani kaammattuut taperserneqarluni piviusunngortinnejarnissaa sulissutigineqalerumaartoq.

Taamatut oqaaseqarluta kaammattuut Siumumiit taperserparput.